

Broj: 05-1688-7/23  
Sarajevo, 25.05.2023. godine

Na osnovu člana 23. stav (1) tačka r) Zakona o Agenciji za bankarstvo Federacije BiH ("Službene novine Federacije BiH", broj: 75/17), člana 16. stav (1) tačke n) i t) Statuta Agencije za bankarstvo Federacije BiH ("Službene novine Federacije BiH", broj: 3/18), članova 70. st. (1), (4) i (6) i 69 stav (2) Zakona o javnim nabavkama ("Službeni glasnik BiH", broj: 39/14 i 59/22) i člana 8. stav (2) tačka d) Pravilnika o uspostavljanju i radu Komisije za javne nabavke iz Zapisnika o pregledu i ocjeni ponuda broj: 05-1688-6/23 od 24.05.2023. godine, direktor Agencije za bankarstvo Federacije BiH donosi

## **O D L U K U**

### **o poništenju postupka javne nabavke usluga**

#### **Član 1.**

Prihvata se preporuka Komisije za provođenje postupka javne nabavke usluga putničkih agencija – posredovanje pri nabavci avionskih karata za potrebe Agencije za bankarstvo Federacije BiH, iz Zapisnika broj: 05-1688-6/23 od 24.05.2023. godine, i poništava se predmetni postupak javne nabavke jer nije dostavljen dovoljan broj ponuda određen u članu 32. stav (4) Zakona o javnim nabavkama, obzirom da je predviđeno zaključivanje okvirnog sporazuma sa više dobavljača.

#### **Član 2.**

Ova Odluka bit će objavljena na službenoj web stranici Agencije, istovremeno sa upućivanjem iste ponuđačima koji su učestvovali u predmetnom postupku javne nabavke, u skladu sa odredbama člana 70. stav (6) Zakona o javnim nabavkama.

#### **Član 3.**

Za realizaciju ove odluke zadužuje se Odjel za opće i kadrovske poslove pri Sektoru zajedničkih funkcija.

#### **Član 4.**

Ova Odluka stupa na snagu danom donošenja.

## **O b r a z l o ž e n j e**

Odlukom o pokretanju postupka javne nabavke usluga broj: 05-1688/23 od 19.04.2023. godine, odobreno je provođenje postupka javne nabavke usluga putničkih agencija – posredovanje pri nabavci avionskih karata za potrebe Agencije za bankarstvo Federacije BiH. Javna nabavka sprovedena je putem konkurentskog zahtjeva za dostavu ponuda, s namjerom zaključivanja okvirnog sporazuma sa više ponuđača, uz korištenje kriterija najniže cijene ponude te je predviđeno zaključivanje okvirnog sporazuma sa tri najpovoljnija ponuđača. U skladu sa članom 35. Zakona o javnim nabavkama, Obavještenje o nabavci broj: 3010-7-2-99-3-39/23 od 12.05.2023. godine objavljeno je na Portalu javnih nabavki (ejn.gov.ba). Procijenjena vrijednost javne nabavke utvrđena je u iznosu od 45.000,00 KM, bez poreza na dodanu vrijednost (PDV).

Posebним Rješenjem ugovornog organa br. 05-1688-2/23 od 17.05.2023. godine imenovana je Komisija za javne nabavke, kojom su definirane njene nadležnosti, koje uključuju poslove otvaranja, pregleda i ocjene ponuda, te davanje preporuke za odabir najpovoljnijeg ponuđača.

Komisija nadležna za provođenje predmetnog postupka, saglasno članu 65. Zakona o javnim nabavkama, sačinila je Zapisnik o pregledu i ocjeni ponuda broj: 05-1688-6/23 od 24.05.2023. godine, u kojem je konstatovala da predmetna nabavka podrazumijeva zaključenje okvirnog sporazuma sa više ponuđača, te da nije dostavljen dovoljan broj ponuda određen u članu 32. stav (4) Zakona o javnim nabavkama, u kojem je definisano da se okvirni sporazum zaključuje sa više ponuđača za isti predmet nabavke, a da broj ponuđača s kojima se zaključuje okvirni sporazum ne može biti manji od tri, pod uslovom da postoji dovoljan broj ponuđača.

Uvažavajući sve navedeno, Komisija je jednoglasno predložila odgovornoj osobi ugovornog organa da donese odluku o poništenju predmetnog postupka javne nabavke usluga, shodno članu 69. stav (2) tačka c) Zakona o javnim nabavkama.

#### **POUKA O PRAVNOM LIJEKU:**

Protiv ove odluke može se izjaviti žalba ugovornom organu – Agenciji za bankarstvo Federacije BiH, najkasnije u roku od 5 (pet) dana od dana prijema ove odluke, saglasno članovima 97. i 101. Zakona o javnim nabavkama.

Žalba se izjavljuje Uredu za razmatranje žalbi/Kancelariji za razmatranje žalbi – Filijala/Podružnica Mostar, putem ugovornog organa, u pisanoj formi, direktno ili preporučenom poštanskom pošiljkom. Žalba se podnosi u najmanje 3 (tri) primjerka.



Dostaviti:

- ponuđačima u postupku;
- Sektoru zajedničkih funkcija;
- a.a.